



PLATAFORMA POLITIKA ALIANSA MAIORIA PARLAMENTAR

TANE O RAI NO EMA HO KOSAR BEN RASIK HODI BÁLI POVU NIA MEHI

Preambulu

Konsidera katak Iha eleisaun nebe realiza iha loron 22 fulan Julhu 2017, povu Timor Leste espresa ho forma livre no demokratiku nia vontade hodi la fo ba Partidu Politiku sira hotu nebe konkore iha aktu eleitoral hodi hetan maioria absoluta iha Parlamentu Nasional.

Rezultadu ida nee hatudu katak atu forma governu ida nebe metin (estavel) no representativu, presiza servisu hamutuk entre partidu politiku sira nebe iha asentu Parlamentar atu nunee bele hamosu Aliansa Maioria Parlamentar ida nebe garante estabilidade governativa.

Rekonhese kata k, servisu hamutuk nee, rekere esforsu no sakrifisiu nebe boot hosi partidu politiku sira hodi konverje (tau hamutuk) politika no programa ida-idak nian. hodi nunee bele integra iha plano komun ba governasaun ida nebe fo impulsu ba dezvoltimentu no moris diak povu nian.

Hare ba situaun atual, governo ida nebe la ho apoio maioria parlamentar sei hetan difikuldades hodi hamosu no implementa nia programa ho diak tanta karese forsa politika, nunee tau em causa dezvoltimentu pais nee nian.

Tanba nee, Partidu Politiku sira nebe la integra iha Koligasaun Governamental deside hamosu politika ida hodi promove mores diak ba ita nia povu no hodi hametin estabilidade nasional.

Komprometidu hodi kontribui ba dezvoltimentu pais nee nian liu hosi afirmasaun iha Parlamentu Nasional hanesan sentru prinsipal diskusaun politika nasaun nian, maka Bankada Parlamentar Partido Libertacao Popular (PLP), Kmanek Haburas Unidade Nasional Timor Oan (KHUNTO) no Congresso Nacional de Reconstrucao de Timor-Leste (CNRT) hamosu Plataforma Politika ida nebe define no integra programa no politika publikas nebe rigorozu no abrangentes hodi mobiliza ita nia povu hola parte iha Desenvolvementu Nasional ho rekursus nebe iha ho forma adekua no eficiente.

Prinsipiu no Vizaun

Reafirma intensaun politika Partidus Politikus nebe forma Aliansa Maioria Parlamentar (AMP) hodi serbi povu no nasaun nee ho diak maka Plataforma Politika ida nee hatur tuir Prinsipius Fundamentais Konstituisaun RDTL nian nebe konsagra ona iha Artigos 1 too 15, hanesan valores demokratikus, moris diak povu nian, respeito ba direitus humanos no promove respeito ba leis no regras konstitusionais nebe vigora iha nasaun ida nee.

Konsidera mos katak, Plano Estratejiku Dezvolvementu (PED) 2030 hatur dezvoltimentu



PLATAFORMA POLITIKA ALIANSA MAIORIA PARLAMENTAR

humanu hanesan fator determinante ba harii nasaun Timor Leste ida nebe progresivu no justu, maka Plataforma ida nee harii bazeia aa Pilares Dezenvolvimentu nian nebe estabesele iha PED 2030 hanesan Kapital Sosial, Infraestruturas Basikas, Dezenvolvimentu Ekonomiku no Kuadru Institusionais hodi lori Timor Leste sai hanesan pais ida nebe ho rendimentu mediu no alto (ass) iha 2030 atu nune liberta povu husi kiak no mukit.

Objetivus

Objetivu prinsipal Platafor ma nee maka **lori povu Timor Leste ba moris diak liu hosi promote dezenvolvimentu ida nebe fahe rekursu ho oportunidade hanesan**. Atu alkansa objetivu nee maka iha tinan lima (2017-2022) mai nee sei adopta estratejias sira tuir mai nee:

- a. Kontinua hametin estabilidade, paz no seguransa;
- b. Hadia diak liu povo nia moris hosi investimentu publiku nebe liga ba kapasidade produs povu nian;
- c. Kontinua halao politika decentralizasaun hodi hakbesik governasaun ba povu atu responde nesesidades imediatas povu nia iha areas rurais no munisipius;
- d. Hametin Sistema Justica hodi hamosu sistema justisa ida nebe independente, efisiente no justu;
- e. Promove transparensia no kontabilidade ba uzu kualker fundu estadu nian;
- f. Kontinua implementa Reforma Fiskal;
- g. Preserva no Haburas Jestaun Fundu Petroliferu;
- h. Kontinua promote Setor Privado hodi ajuda estadu kria oportunidade de trabalho;
- i. Hadia fali programas balun nebe la konduz ho situasaun atual pais nian;
- j. Promove dezenvolvimentu ida nebe fahe rekursu ho oportunidade hanesan;
- k. Hadia Prestasaun Servisu nebe diak ba Povu;
- l. Promove edukasaun ida nebe ho qualidade;
- m. Hadia qualidade servisu Saude nian;
- n. Enkoraja Nafatin Dezenvolvimentu Auto-Empregu, Emprezas Kiik no Médiu.
- o. Promove programa asesu ba kreditu nebe lalais no baratu.
- p. Promove nafatin rekonyesimentu ba Antigos Kombatentes Libertasaun Nasional;
- q. Kontinua fo protesasaun ba labarik, fetu, ferik-katuas no deficiente sira;
- r. Kontinua fo atensaun ba juventude no promosaun igualdade;



PLATAFORMA POLITIKA ALIANSA MAIORIA PARLAMENTAR

- s. Hametin no dezenvolve identidade kultural.
- t. Harii uma bainhira laek sira ho kualidade no mos hahu politika habitataun rural no urbana.

Ho fiar katak bainhira politika nee implementa maka sei iha mudansa signifkativu ba povu nia moris loron-loron nian, maka ami sira asina iha kraik nee representa Bancada Parlamentar nebe hamutuk forma Aliansa Maioria Parlamantar deklarara aprova Platforma ida nee, nebe sai Matadalan ba Dezenvolvimentu Timor Leste nian iha tinan 5 (2017-2022) mai.

Dili, __ Outubru 2017

 p. Arão Noe de J. da C. Amaral Presidente Bankada CNRT	 Dp. Fidells M. E. Magallhaes Presidente Bankada PLP	 Dp. Luis Roberto da Silva Presidente Bankada KHUNTO
 Kay Rala Xanana Gusmao Presidente CNRT	 Taur Matan Ruak Presidente PLP	 Jose dos Santos NAIMORI Bucar Konseleiru Superior KHUNTO